

СЛУЖБА

Преподобной Александре
Дивеевской

НА МАЛОЙ ВЕЧЕРНИ

На Господи, воззвах: стихиры на 4, глас 6

Приидите, вернии людис, во святую обитель Дивеевскую,/ иже Четвертым Жребием Божия Матере нарицается,/ ублажим верную рабу Владычицы Пресвятыя Богородицы/ Александру преподобную,/ начальницу святого места сего/ и, припадающе к честным и многоцелебным ся мощем,/ яко заповеда преподобный Серафим,/ усердно молимся://Помяни нас, госпоже и мати наша,// у Престола Божия во Царствии Небеснем. (Дважды)

Кая духовная пения/ принесем ти, преподобная Александро,/ яко явлением Тсбе Царицы Нсбесныя/ Дивеево дивно освятися/ и Четвертым Жребием Ея наречеса./ Ты же, мати наша первоначальнице,/ многими труды и терпением/ в слезном покаянии основание обители положила еси/ и, благодать Духа Святого стяжавши,/ ныне в Небесных Чертозах ликуеши.// Молися о спасении душ наших.

Киими недостойными усты/ восхвалим преславную мать нашу Александру,/ милостивую покровительницу, теплую и скорую помощницу,/ любовь свою нас согревающую/ и радости тихой исполняющую/ притекающих к раце мощей ея// и подающую усердно просящим мир и велию милость.

Слава, глас 4

Благодарственная воспоим дивному во святых Христу Богу нашему,/ даровавшему нам мать предобрую,/ мудрую наставницу и чадолубивую,/ церковных уставов твердую хранительницу,/ непорочное житие совершившую// и ныне в лице жеи преподобных просиявшую.

И ныне, глас 4 Богородичен:

На стиховне, стихиры, глас 1.

Подобен: Небесных чинов

Велия подвиги твоя и труды/ како прославим мы, недостойнии,/ обители Дивеевския основательнице,/ преподобная Александро блаженная,// за чтущия тя помолися.

Великий ангельский образ восприявши/ и послушание Царицы Небесныя исполнивши,/ душу святую в руке Божии вверила еси/ и ныне с лики жен преподобных// чисте зриши Святую Троицу.

Великую благодать и дар исцелений/ еще живей ти суши стяжавши,/ Александро преподобная,/ с любовью притекающим к раце мощей твоих// вся прошения исполняеши.

Слава, глас 6

Воспоим вернии/ еже о нас Божия Матере благоволения величис,/ яко, прославляющи различными чудесы вся Жресья избранная Своя,/ дарова и обители сей знаменис/ Своего всеблагаго о нас попечения,/ и тако Дивеево, еже бяше неславно и ненаселенно иногда,/ послежде явления Царицы Небесныя/ первоначальнице преподобной Александре/ просия благодатию Господа нашего Иисуса Христа,/ и сотворися место радости духовныя/ и покаяния истиннаго,// просвещающее всякаго человека.

И ныне, глас 6 Богородичен:

Тропарь, глас 5

Образ Христова смирения являющи, великая и святая жено/ преподобная мати наша Александро,/ слез источник непрестанный соделалася еси,/ молитву к Богу чистейшую, любовь ко всем нелицемерную/ и изобилие благодати Божия стяжала еси,/ благословение Царицы Небесныя/ об основании Четвертаго Ея Жресья во Вселенной исполнивши;/ восхваляем тя с преподобным Серафимом,/ емуже и попечение об обители сей заповедала еси,/ и, любяюще стопы твоя, смиренно молим тя:// помяни нас у Престола Божия.

Слава и ныне, Богородичен глас 5

Радуйся, двери Господня непроходимая;/ радуйся, стено и покрове притекающих к Тебе;/ радуйся, необуреваемое пристанище и Неискусобрачная,/ рождающая плотию Творца Твоего и Бога,/ молящи не оскудевай о воспевающих/ и кланяющихся Рождеству Твоему.

НА ВЕЛИЦЕЙ ВЕЧЕРНИ

Блажен муж:

На Господи, возвах: стихиры на 8, глас 1

Приидите, вернии людие,/ во святую обитель Дивеевскую/
воспсти собеседницу чудную Ангелов/ и человеков помощницу
неоскудевающую,/всечестную Александру,/ первоначальницу святого
места сего,/ иже процвете во благоухании святости ея жития,/ горькое
и терпкое яже ко спасению избравшую,/ ныне Христу во славе
предстоящую// и молящуюся о спасении душ наших.

О, преподобная мати наша Александро,/ Божественною
просветившись благодатию,/ мятеж мира и житейскую печаль
отвергла еси,/ евангельски Христу последовавши./ Его же
псизреченную возлюбивши ницсту,/ предпочла еси путь тесный
нежели пространный/ и Обрадованной и в молитвах неусыпающей
Богородице/ добродетельми послужила еси неустанно./ Темже и
обители Ея явилася еси первоначальница/ и нам небесная
наставница.// Помяни нас у Престола Божия во Царствии Небеснем.

Вся преславныя глаголы Царицы Небесныя в сердце слагаючи,/
мати наша Александро,/ богомудро на земли пожила еси,/ устроению
обители доброе начало положила еси,/ в покаянии слезном и молитве
непрестанной/ благодать Святого Духа стяжала еси./ Молися ко
Господу,/ яко имесши дерзновение,// да помилует души наша.

Отверглася еси мира и сущих в мире,/ Александро блаженная,/ и
образ Ангельский восприяла еси,/ благословение Царицы Небесныя
исполнила еси,/ храмы многия воздвигла еси,/ николиже сирыя,
нищия и в бедах сущия оставляла еси/ и жестоко плоть свою смирила
еси./ Темже, на Небесех водворившись,/ чисте зриши Святую
Троицу./ Испроси нам велию милость, да и мы всегда с Господем
будем.

Глас 7

Надеющиеся на Господа разумеют истину/ и вернии в любви пребудут Ему./ Тако ты, мати Александро, благодатию сияюще,/ светом Евангелия тьму неразумия отгнала еси:/ уставы церковныя твердо хранящи,/ истины веры православныя людем уясняюще./ В житии твоём скорбнем усмотряюще изволение Божие,/ в благодарении Господу николиже оскудевала еси;/ кротостию и смирением вся удивляла еси./ Молися Христу Богу о любовию чтущих тя.

Кто доволен достойно воспети подвиги твоя, труды и болезни,/ преподобная мати наша Александро./ Како в тесной келлии пред Распятием со слезами пощию молилася еси,/ и на камень главу твою полагала еси,/ и одеждою ветхою в зной и стужу покрывалася еси,/ паучи и нас по Апостолу жити,/ ведущи Единого Христа и Сего распята,/ и в покаянии истинном житие скончати,// и сподобитися Царствия Небеснаго.

Глас 8

Ублажаем тя по долгу, мати Александро,/ похвалу нашу и во плоти Ангела,/ житие бо твое чёстно и успение со святыми,/ просияла еси дела благими:/ весь сию смертоноснаго глада избавила еси,/ кладезь воды целебныя своима рукама ископала еси,/ бедныя невесты одаровала еси,/ многия люди ко Христу привела еси./ Темже припадающе к раце мощей твоих/ со умилением просим,// да подаст нам Господь тобою велию милость.

Преподобный Серафим свидетельствова о тебе,/ Александро блаженная,/ яко ты еси велия раба Божия,/ просиявшая смирением неисповедимым,/ любовию ко всем нелицемерною/ и молитвою чистейшею./ И ныне обители твоя щит крепок/ противу стреляния вражия видим тя,/ предстательством бо твоим искушение всякое побеждается// и очищаются души наша.

Слава, глас 6

Приидите, вернии людие, во святую обитель Дивеевскую,/ иже Четвертым Жрсбием Божия Матери нарицается,/ ублажим верную рабу Владычицы Пресвятыя Богородицы/ Александру преподобную,/ начальницу святого места сего,/ и, припадающе к ея честным и многоцелебным мощем,/ яко заповеда преподобный Серафим,/ усердно молимся:// помяни нас, госпоже и мати наша,// у Престола Божия во Царствии Небеснем.

И ныне, Богородичен, глас 6

Кто Тебе не ублажит, Пресвятая Дево?/ кто ли не воспоет Твоего Пречистаго Рождества?/ безлетно бо от Отца возсиявый Сын Единородный,/ Тойже от Тебе, Чистая, пройде,/ неизреченно воплощся:/ естеством Бог Сый/ и естеством быв Человек нас ради;/ не во двою лицу разделяемый,/ но во двою естеству/ неслитно познаваемый./ Того моли, Чистая Всеблаженная,/ помиловаться душам нашим.

Вход. Прокимен дне.

Премудрости Соломоновы чтение (Глава 3)

Праведных души в руце Божией, и не прикоснется их мука. Ненщевани быша в очесех безумных умрети, и вменися озлобление исход их. И сже от нас шествие сокрушение, они же суть в мире. Ибо пред лицом человеческим аще и муку примут, упование их бессмертия исполнено. И в мале наказане бывше, великими благодетельствовани будут, яко Бог искуси я, и обрете их достойны себе. Яко злато в горниле искуси их, и яко всеплодие жертвенно прият я. И во время посещения их возсияют, и яко искры по стеблию потекут. Судят языком, и обладают людьми, и воцарится Господь в них во веки. Надсующиися Нань разумеют истину, и вернии в любви пребудут Ему: яко благодать и милость в преподобных Его, и посещение во избранных Его.

Премудрости Соломоновы чтение (Главы 5 и 6)

Праведницы во веки живут, и в Господе мзда их: и попечение их у Вышняго. Сего ради примут царствие благолепия, и венец доброты от руки Господни: зане́ десницею покрывает я, и мышцею защитит их. Приимет всеоружие рвение свое, и вооружит тварь в месть врагом. Облечётся в броня́ правды, и возложит шлем, суд нелицемерен. Приимет щит непобедимый преподобис. Поострит же напрасный гнев во оружие: споборет же с ним мир на безумных. Пойдут праволучныя стрелы молниины, и яко от благокру́гла лу́ка облако́в, на намерение полетят. И от каменомётныя ярости испо́льн падут гра́ды. Вознегодует на них вода морская, реки же потопят я на́гло. Сопротив станет им дух силы, и яко вихорь развеет их, и опустошит всю землю беззаконие, и злодейство превратит престолы сильных. Слышите убо, царие, и разумеите, навыкните, судии концев земли. Внушите, держащие множества и гордящиеся о народах языков, яко дапа есть от Господа держава вам, и сила от Вышняго.

Премудрости Соломоновы чтение (Главы 4 и 5)

Праведник, аще постигнет скончаться, в покои будет. Старость бо честна не многолетна, ниже́ в числе лет исчисляется. Седина же есть мудрость человеком, и возраст старости, житие нескверное. Благоугоден Богу быв, возлюблен бысть, и живой посреде грешник преставлен бысть. Восхищен бысть, да не злоба изменит разума его или лость прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долго: угодно бо бе Господеви душа его. Сего ради потщася от среды лукавствия. Люди же видевшие, и не разумевшие, ниже положише в помышлении таковое: яко благодать и милость в преподобных Его, и посещение во избранных Его.

На литии стихиры, глас 6

Егда, мати Александро преподобная,/ приближися время скончания твоего/ и уразумела еси духом твоим ко Господу отшествие,/ тогда со слезами помолилася еси/ об обители твоей и сестрах твоих/ и вся нужная ко спасению им завещала еси,/ попечение об обители на преподобнаго Серафима возложивши./ В час кончины Святых Таин

Христовых причастилася еси,/ и молитве бывшей на устех твоих/ и иконе Пречистыя Богородицы на персех твоих,/ предала еси душу твою в руце Господеви./ Тому убо молися/ не лишенным быти и нам кончины благия/ и наследия Небеснаго.

Глас 8

Откуда мне сие,/ да прииде Мати Господа моего ко мне?/ — взывала Предтечева мати пришедшей Богородице в дом Захариин,/ сице первоначальница обители Дивеевския преподобная Александра,/ приемлющи обетования вечная об обители сей/ от Пресвятыя Девы/ и с ними богатство Небесных дарований/ от Сына Ея Единороднаго Господа нашего Иисуса Христа,/ от неописанныя радости педоумевала еси:/ како исполнити слово сие./ Наипаче мы, недостойнии,/ киими благохвалении возвеличим Царицу Небесную,/ даровавшую нам таковую ходатаицу/ и наставницу, всеблаженную Александру,/ и откуда нам сие яко Пречистыми стопами касаешься земли, Четвертым Жребием Ея нареченныя,// подаючи нам мир и велию милость.

Слава, глас 4

Воспоим вернии/ еже о нас Божия Матере благоволения величис,/ яко, прославляючи различными чудесы вся Жребия избранная Своя,/ дарова и обители сей знамение/ Своего всеблагаго о нас попечения;/ и тако Дивеево, еже бяше нсславно и ненаселённо иногда,/ послежде явления Царицы Небесныя первоначальнице преподобной Александре/ просия благодатию Господа нашего Иисуса Христа,/ и сотворися место радости духовныя и покаяния истиннаго,// просвещающее всякаго человека.

И ныне, глас той же

Воспоим неусыпающую в молитвах Богородицу/ и, с сердечной верой к Ней притекающе,/ потщимся подражати Ей в милосердии и кротости,/ да обрящем Ея заступлением// милость у Христа Бога нашего.

На стиховне стихиры, глас 2

Подобен: Мира красоту:

Егда Божественное звание/ достиже тя, преподобная мати
Александро,/ тогда славу рода твоего и имени оставивши,/ во
обитель Флоровскую пришла еси/ и жестоко житие пожила еси,/ в
молитве и трудах Господеви угождаючи./ Темже молися Христу
Богу// спасти и просветити души наша.

Стих: Дивен Бог во святых своих, Бог Израилев.

Егда Божественная благодать исполни сердце твое,/ тогда явился ти
Пресвятая Дева/ Царица Небесе и земли,/ повелеваючи град Киев
оставити/ и обитель на севере России устроить,/ да славится в ней от
человек имя Христа Бога,/ Емуже молися, мати Александро,//
низпослати нам велию милость.

Стих: Честна пред Господем смерть преподобных Его.

Егда благодать Святаго Духа ты осени, мати преподобная,/ и
Матерь Божия явился ти на пути во обитель Саровскую,/ тогда со
страхом и многими слезами/ вселилася еси в Дивееве, Ею
возлюбленном,/ и в тесной келлии молилася еси,/ примером своим и
нас поучаючи/ и наставляючи благоугождати Христу Богу./ Тому
молися у Престола Пресвятыя Троицы// да спасет и просветит тебе
ради души наша.

Слава, глас 4

В честнем прославлении твоём,/ преподобная мати Александро,/
верная благодатно озаряеши/ и недуги человеческия безмездно
врачуеши./ Темже, с любовию припадающе к раце мощей твоих,/
умильно глаголем:/ настави ны ходити путем подвигов твоих/ и
молитвами твоими содейай нас причастники быти Царствия
Небеснаго.

И ныне, глас 4

Богородичен:

Призри на моления Твоих раб, Всенепорочная,/ утворяющи люта
на ны востания,/ всякия скорби нас изменяющи,/ Тя бо Едину твердое

и известное утверждение имамы/ и Твое предстательство стяжахом,/ да не постыдимся, Владычице, Тя призывающий,/ потщися на умоление Тебе верно вопиющих:/ радуйся, Владычице,/ всех помощи, радости и покрове,/ и спасение душ наших.

НА УТРЕНИ:

Тропарь святыя, глас 5, (дважды)

Тропарь писан на малой вечерни

Слава и ныне, Богородичен, глас 5

По 1-м стихословии, седален, глас 4

Всем сердцем своим, всею душою и мыслию Бога возлюбившая,/ мати Александро,/ в Дивееве первоначальница молитвы на мысленной Голгофе явилася еси/ и дар благодатных слез стяжавшая,/ непрестанно в созерцании Господа пребывала еси./ Научи и нас присно глаголати:// Господи Иисусе Христе, Сыне Божий, помилуй нас грешных.

Слава и ныне, Богородичен:

Удивишася, Чистая, лица Ангельстии,/ како Причастница сущи богатейшая радости Небесная,/ во юдоли скорбей человеческих присно пребываеши,/ и ко всякому воплю молитвы матерски тщишися,/ и благодать раздаси неждиваемую,/ больных исцеляючи и печальных утешаючи, Дево Мати Господня,/ сокровище пространнейшее милости Божественныя.

По 2-м стихословии седален, глас 8

Страстотерпец Царь Николай ревноваше о прославлении твоём,/ мати Александро,/ в царских чертозах бо многаши являлася еси,/ чудесы и исцелении вся удивляющи./ Сего ради вопием ти:// моли, преподобная, с Царственными страстотерпцы Христа Бога спастися нам.

Слава и ныне, Богородичен:

О Тебе радуемся и Тя прославляем, Дево Пречистая,/ яко Невместимаго вместила еси,/ Егоже присно моли о спасении нашем.

Величание:

Ублажаем тя, преподобная мати наша Александро, и чтим святую память твою, ты бо молиши о нас Христа Бога нашего.

По полиелеи Седален, глас 1

Пресвятая Дева Богородица/ дивно управи отшествие твое от жития сего временного,/ преподобная Александро,/ в схиму бо великую облеченная,/ в час кончины Святых Таин Христовых приобщилася еси./ Икону Ея Казанскую на перси возложивши,/ душу святую в руке Божии предала еси// и ныне с лики жен преподобных чисте зриши Святую Троицу.

Слава и ныне, глас 3

Притецем вси, ведущии Бога,/ к Небесней Царице и Матери всех,/ прославляюще Ея снисхождение к роду нашему,/ и в избранном уделе источим слезы души своея/ пред незримо Сущей zde,/ умилением и любовию зовуще к Ней:/ радуйся, Обрадованная,/ верных Своих рабов не оставляющая.

Прокимен: Дивен Бог во святых Своих, Бог Израилев.

Стих: В церквах благословите Бога, Господа от источник израилевых.

Всякое дыхание:

Евангелие: от Матфея, зачало 104

По 50 псалме стихира, глас 6

Приидите, вернии людие, во святую обитель Дивеевскую,/ иже Четвертым Жребием Божия Матере нарицается,/ ублажим верную рабу Владычицы Пресвятыя Богородицы/ Александру преподобную,/

начальницу святаго места сего/ и, припадающе к честным и многоцелебным ея мощем,/ яко заповеда преподобный Серафим, усердно молимся:/ Помяни нас, госпоже и мати наша,// у Престола Божия во Царствии Небеснем.

Канон. Глас 8

Песнь 1

Ирмос: *Поим Господеви,/ проведшему люди Своя сквозе Чермное море,/ яко Един славно прославися.*

Преподобную госпожу и мать нашу Александру, первоначальницу обители Дивеевския и Божия Матере рабу избранную,/ и ныне за ны молящуюся, Господи, разумно воспети сподоби.

Была еси обители Дивеевския первоначальница, Александро славная,/ и Небесное Царствие унаследовала еси, исполнивши достойно Богородицы послушание.

Всю себе воздержанием и покаянием слезным очистивши, всеблаженная,/ жилище явилася еси Божие и Ангелов собеседница.

Богородичен: Пречистая Богородице,/ яже воплощенно Присносущное и Пребожественное Слово/ паче естества рождающая, поем Тя.

Песнь 3

Ирмос: *Утверждаей словом Небеса/ и землю основаый на водах многих,/ утверди мя к пению славословия Твоего, Господи.*

К Богу оком Твоея души взираючи, мати Александро,/ Того Единого возлюбила еси и плоть свою изнурила еси, возненавидевши земная/ и ангельскую совершивши жизнь.

Лучами, мати, добродетелей страстей отгнала еси мглу яве,/ просвещение Духа во твоём сердце приемши.

Кадило благовонно Владыце и Пречистой Деве Марии твоя молитвы и труды принесла еси,/ и храмы Божии многи твоим иждивением воздвигнуты быша.

Богородичен: Утверждение буди и прибежище, и покров, Дево Богородительнице, верою к Тебе прибегающим и Божию Тя Матерь исповедающим.

Седален, глас 3

Подобен: Красоте девства:

Богатство тленное и славу мимотекущую в младых летех оставивши,/ Небесное богатство восприяла еси и славу истинно вечнующую, преподобная./ Тем блажим святое твое усение/ и, торжествуяще в нем, воишем тебе:/ помяни нас у Престола Божия, мати Александро.

Слава и ныне, Богородичен:

Яже радости приемшая исполнение, прими от нас, рабов Твоих, целование Архангелово: радуйся, радость рождшая миру. Радуйся, ручко, из неяже манна небесная всем верным даровася, радуйся, Благословенная.

Песнь 4

Ирмос: Тайно пророк предзря от Девы Тя, Слове, Воплощаема,/ песенно вопияше:/ слава силе Твоей, Господи.

Огнем любви Божия страстей терние попалила еси/ и Божия Матере собеседница была еси,/ глаголы дивныя о Четвертом Ея Жребии во Вселенней услышавши.

Насаждена в Дому Божия Матере, добродетелей благоплодие прозябла еси,/ во основание обители камень веры положивши.

Жезлом добродетельных твоих жизни многия души в Царствие Небесное управляла еси.

Богородичен: Надежда и щит, и утверждение Ты мне еси, Благая, и лютых избавление, и просвещение души моя, и хвала, и стена, и держава.

Песнь 5

Ирмос: *Утренююще, вопием Ти:/ Господи, спаси ны,/ Ты бо еси Бог наш,/ разве Тебе, иного не вемы.*

Тесный предпочла еси, нежели пространный путь, достославная,/ и радуясь претерпела еси/ многия труды и болезни, преподобная мати.

Житие твое всечестно бысть в Господе, Александро блаженная,/ и великия схимы пред кончиною сподобилася еси.

В пении и пощении, молитвах же и бдениях поживши, преподобная,/ Христу уневестилася еси.

Богородичен: Доброту Тя Иаковлю возлюби Бог, Дево отроковице,/ украшая вся Тобою, омрачившаяся преступлением первее.

Песнь 6

Ирмос: *Ризу мне подаждь светлу,/ одейся светом, яко ризою,/ Многомилостиве Христе Боже наш.*

Последовала еси яве Евангелию и обнищала еси, славу рода своего презревши,/ кротка была еси и незлобива, и смиренномудрия исполнена.

Серафима преподобного в иеродиаконе младом предузнала еси,/ попечение об обители Дивеевстей на него возложивши, Александро дивная.

Душу твою, преподобная, Богу преложила еси,/ во дни и нощи благоугождая Ему/ и в час кончины Святыя Тайны Христовы приавши.

Богородичен: Палато Царя Славы и огнезrachный была еси престол, Дево,/ Херувим превышши и Серафим:/ темже Тя всякое дыхание славит, яко Матерь Зиждителя.

Кондак, глас 3

Воспоим Днесь Пресвятую Деву,/ явившую в России первоначальницу последнего Удела Своего во Вселенней/ преподобную мать нашу Александру,/ да ея молитвами/ Господь подаст нам грехов прощение.

Икос

Кто доволен достойно воспевати твоя, мати Александро, труды и болезни, и делания многая, и славу, и величество?/ Но молитвами твоими к Богу благоприятными Духа благодать мне ныне подаждь,/ яко да Твоя паче естества подвиги изреку верно и воспою еже паче слова терпение и смирение твое, и любовь нелицемерную, имиже врага посрамила еси./ Помяни нас у Престола Божия.

Песнь 7

Ирмос: *В начале землю основавый/ и Небеса Словом утвердивый,/ благословен еси во веки, Господи Боже отец наших.*

Путем шествующи, вводящим к Божественному покою, уклонилася еси пропастей демонских, блаженная,/ Божественною покрываема благодатию, вопияше: благословен еси во веки, Боже отец наших.

Велию обитель Царицы Небесныя созидающе, выну в молитве пребывала еси вопиющи:/ благословен еси во веки, Боже отец наших.

Камень под главу твою полагающе и слез потоки проливающи, спасена бе от сетей вражиих,/ в радости воспевала еси: благословен еси во веки, Господи Боже отец наших.

Богородичен: Вся еси светоносна, Свет незаходимый, Дево, приемши,/ и просвещаеши, Чистая, верою Тебе вопиющих: благословен, Пречистая, Плод чрева Твоего.

Песнь 8

Ирмос: *Безначальнаго Царя славы,/ Егоже трепещут Небесныя силы,/ пойте, священницы,/ людие, превозносите во вся веки.*

Поревновала еси царице Александре, богомудрая, и всю жизнь в руце Божии предала еси,/ точию Единого Христа вѣдущи и Сего рáспята.

Дар молитвы чистыя, смирение и любовь совершенную стяжавши,/ питаеши души всех верно тя чтущих, Богоблаженная.

Добродетельми многими преукрашена,/ нищих и сирых и младенцев николиже в беде оставляла еси,/ темже вселилася еси в Небесная, ликом счисляема присно честных жен, досточудная.

Богородичен: На Тя возложих, Владычице, сердце и душу и тело: не имам бо иныя надежды, разве Тебе, Еюже получу милость. Темже подаждь ми богатую Твою благодать.

Песнь 9

Ирмос: *Невидимаго зраком Божественным приемшая,/ Неискусобрачная Дево и Мати,/ песньми Рождество Твое величаем.*

Яко велию в женах и всякаго поклонения достойную откры Тя Бог преподобному Серафиму,/ нам в славу и радование.

Пред кончиною икону Божия Матере Казанския на перси возложила еси, мати преподобная,/ и, Ею охраняема, к Престолу Пресвятыя Троицы взошла еси.

Яко дерзновение к Богу стяжавши, моли о иже на земли совершающих верою память твою,/ первоначальнице обители нашея, мати Александро.

Богородицн: Едина болящих посещение, Едина падших исправление, Владычице, Едина к Богу руководительнице и входе, Едина ходатаице вечных благ, помилуй мя единого, паче всех согрешившаго.

Светилен:

Егда убо честныя мощи твоя, преподобная Александро, обретошася, благоухание из гроба твоего изношашеся, исцеляя недуги и отгоняя духи лукавыя.

Богородицн:

Совета великаго Ангела Отча родила еси, Христа, всепетая Отроковице, Царя Славы: Егоже крест прендобная Александра вземши, в след Сего потече. С нейже непрестанно моли о нас, Богородице.

На хвалитех стихиры, глас 5

Подобен: Радуйся, Живоносный Кресте

Радуйся, мати Александро,/ звездо пресветлая от Дивеева возсиявшая/ и Российскую страну благодатно озарившая,/ радуйся, великая подвижнице,/ древним Богоносным отцем равночестная,/ радуйся, предстательнице и помощнице скорая/ в молитвах ты призывающим./ Предвари и подвижни святыя молитвы твоя о нас ко Господу,/ и данною ти от Него благодатию/ недуги наша душевныя и телесныя исцели,// просящи даровати нам мир и велию милость.

(Дважды)

Радуйся, первоначальнице обители Дивсесвския,/ жилище Духа Святаго,/ сосуде Божия благодати/ и избраннице Царицы Небесныя,/радуйся, болящих целительнице, печальных

утешительнице,/ заблуждших путеводительнице./ Настави и нас, мати
Александро,/ в покаянии истинном и вере православней житие
 скончаи/ и помяни нас в молитвах твоих ко Господу,/ просящи нам у
 благодати Его великия милости.

Радуйся, великая в женах,/ преподобных красото, Александро
 блаженная,/ восхваляем смирение твое и молитву к Богу чистейшую,/
 любовь ко всем нелицемерную,/ имиже благодать Святаго Духа
 стяжала еси./ Честную память твою совершающим/ подаждь дары
 целебныя, коемуждо по потребе,/ и моли Христа Бога// даровати нам
 велию милость.

Слава, глас 3

Преподобная мати Александро,/ подвиги многотруднаго жития
 твоего кто исповесть,/ и милости Божия, чрез тебе явленные, кто
 исчислит,/ и слез твоих источник непрестанный кто измерит./ Мы же,
 дерзновение твое у Пречистыя Богородицы добре ведуще,/ во
 умилении сердечном зовем ти:/ Радуйся, госпоже наша и мати,/
 прости, благослови, помолися за ны,/ да и мы будем прощены, яко ты
 прощена,/ и помяни нас у Престола Божия.

И ныне, глас 3

Без семени зачала еси от Духа Святаго,/ и славословяще воспоем
 Тя:// радуйся, Пресвятая Дево.

Славословие великое

На литургии.

Блаженна 3 и 6 песни канона

Прокимен, глас 4: Дивен Бог во святых Своих, Бог Израилев.

Стих: В церквах благословите Бога, Господа от источник Израилевых.

Апостол к Галатам, зач. 208

Аллилуиа, глас 1: Терпя потерпех Господа, и внят ми, и услыша молитву мою.

Евангелие Матфея зач. 104

Причастен: В память вечную будет праведник.

Молитва

О, святая угоднице Божия преподобная мати наша Александро! Приими недостойныя молитвы наша, с пламенной верою к тебе возносимыя, и помози нам христианския добродетели стяжати, веру крепкую и любовь к Богу и к ближним имети, крест скорбей и болезней терпети. О, госпоже наша и мати! Прости, благослови, помолися за нас, да и мы будем прощены, яко ты прощена, и помяни нас у Престола Божия, да твоими молитвами спасаеми в нынешнем веке и в будущем, удостоимся хвалити и воспевати Всесвятое Имя Отца, и Сына, и Святаго Духа во веки веков. Аминь.